

Bosna i Hercegovina
Federacija BiH
Kanton Sarajevo
Skupština Kantona Sarajevo
44. radna sjednica

INICIJATIVA

da Vlada KS kroz resorno ministarstvo, u skladu sa pozitivnim zakonskim propisima, pripremi i usvoji sve neophodne dokumente kako bi se stvorile pretpostavke **da HITNA POMOĆ KS dobije ime po doktorici Silvi Rizvanbegović.**

OBRAZLOŽENJE

Iduće godine navršit će se 30 godina otkako je u centru Sarajeva, u kolima Hitne pomoći, ubijena prim. dr. Silva Rizvanbegović, prva doktorica koja je stradala tokom opsade glavnog bh. grada.

Tog 17. maja 1992. doktoricu Rizvanbegović ubili su pripadnici JNA iz kasarne „Maršal Tito“ oko 22.30 sati, a nalazila se u jednom od troja ambulantna kola koja su bila na putu između Kliničkog centra Koševo i Hitne pomoći. Čekali su da padne mrak pa da s ugašenim svjetlima prevezu teško ranjene građane Sarajeva.

Bila je mnogima učitelj, uzor kao čovjek i kao ljekar, bila je humanista. Ostalo je vrlo malo onih koji je se sjećaju, ipak se dešava smjena generacija i puno je godina prošlo. No, oni koji su bili tu za vrijeme agresije na RBiH, nikada je neće zaboraviti.

Silva Rizvanbegović je prethodno bila ranjena, isto tako na zadatku, u trenutku pogibije još je imala zavoj na ruci. Bila je nesebična i najbolji dio sebe poklanjala je svojim sugrađanima.

Jedna od ulica u sarajevskom naselju Stup danas nosi ime po ovoj heroini, a ispred zgrade Hitne pomoći postavljena je spomen-ploča u znak sjećanja na dr. Rizvanbegović.

Bila je jedna od prepoznatljivih Sarajki u svakom pogledu. U sjećanje njenih kolega ostalo je duboko urezano njeno nastojanje da građanima pomogne, da im da informacije kako pružiti prvu pomoć svom bližnjem ili samom sebi, i to je spasilo živote mnogih Sarajlija I Sarajki.

Sarajevo, 17.11.2021.

Klub zastupnika SDP BiH u

SKS